

權載之文集

關化圖書館
Kwahwa Library

開化圖書館

Kaithua library

集權

開化圖書館

Kaichua library

之

文

四年

十月

日

年

開化圖書館

Kaichua library

權集

載

之

文

四部叢刊集部

上海涵芬樓借印
無錫孫氏藏大興
朱氏刊本原書板
心高營造尺五寸
三分寬四寸二分

序

唐權文公載之詩文全集五十卷前有集賢院大學士
楊嗣復序云公昔自纂錄制集五十卷托友人湖南觀
察使楊憑爲序公元子中書舍人璩不祿嗣孫憲奉遺
集求鄙文以冠首五十卷次第具在集目云按公集流
傳不絕如綫今入四庫館別書目者僅二十卷總目稱
內府藏本明嘉靖二十年楊慎得之于滇南劉大謨序
刻之文苑英華及唐文粹時時散見漁洋王尙書曾見
全本五十卷著于居易錄稱無錫顧宸所藏劉體仁之
子凡寫贈王者詩賦十卷文集碑銘至祭文共四十卷

實五十卷也南昌彭文勤公元瑞寄書于阮中丞元索之知不足齋鮑以文鮑曰無有聞朱竹君先生家有之阮以覆彭彭大驚詢之于珪茫然也問之姪錫庚對曰有之然先人弄貽秘本不敢以假人問其所得之自曰五柳居陶書賈告子父曰有不可得之書在某公處公能以宋槧名本數種易之可得也子父允之陶果得其書請假鈔一部以原書歸我父然則海內不過二本耳不敢輕以示人予笑曰姑假我一觀可乎庚不得已遲日送至予覽披一過真五十卷不傳之本也亟晝夜命書手鈔成而以原書歸之椒花唵舫以鈔本假彭公彭

大喜照鈔一部手加丹黃校勘塗乙請予序其源委行
將梓之已而公病薨于邸予曰權文公集不可得矣囑
其門生緩索之于其家彭公之孫邦疇曰信必完璧
不日而鈔本復還予覆閱之則彭公病中手跡如新也
自癸亥秋至乙丑春珪旣進知足齋詩集荷

御題詩冠于首退而喟然曰權文公忠孝良相其集海
內僅有四本不及時受梓可乎同志者聞而踴躍集腋
成裘曰善舉無獨爲且彭公遺志也乃俾甘梓人以宋
體寫之子陸續校正竣五十卷蓋書之顯晦有時數也
按公天水畧陽人貞孝權公皐之子舊書稱其自貞元

迄元和三十年羽儀朝行直諒寬恕言動無飾述作雅
正而宏博時人以爲宗匠孝弟力學髫鬣有聞疏延齡
恣行巧佞論臯謨不書明刑實臯之餘慶所種也新書
稱其雅正贍緜醞藉風流皆紀實也公忠鯁繼宣公之
後山斗啟南陽之先斯文不墜蓋有天焉其忠孝之氣
耿耿與日月爭光矣刻成鳩工諸君子例序于後

嘉慶十一年丙寅二月春分日庚辰 經筵日講起居
注官內廷供奉體仁閣大學士兼理工部翰林院掌院
學士事大興朱珪謹序

權載之文集序

銀青光祿大夫充集賢殿大學士楊嗣復撰
唐有天下二百二十載用文章顯於時代有其人然而
自成童就傅以及考終命解巾筮仕以及鈞衡師保造
次必於是視聽必於是文采皆正色而無駁雜調韻皆
正聲而無奇邪滔滔如江河東注不知其極而又處命
書綸綍之任專考覈品藻之柄參化成輔翊之勲初中
終全而有之得之於相國文公矣公諱德輿字載之天
水人也族望祖宗之遠當官行已之道語在國史銘於
壙而碑於途此不敢詳今所載者因緣文業而已早歲

爲淮南江西從事掾管記室之任屬詞詣理奏入而報
可移文走檄疆事迎解登朝爲起居舍人改駕部員外
郎換司勳郎中遷中書舍人凡四任九年專掌詔誥大
則發德音脩典冊洒朝廷之利澤增盛德之形容小則
褒才能敘官業區分流品申明沮勸無誕詞無巧語誠
直溫潤真王者之言公昔自纂錄爲制集五十卷託於
友人湖南觀察使楊公憑爲之序故今不在編次之內
其他千名萬狀隨意所屬牢籠今古窮極微細周流於
親愛情理之間磅礴於勳賢久大之業不爲利疚不以
菲廢本乎道以行乎文故能獨步當時人人心伏非以

德爵齒挾而致之貞元中奉詔考定賢良草澤之士升
名者十七人及爲禮部侍郎擢進士第七十有二鸞鳳
杞梓舉集其門登輔相之位者前後十人其他征鎮岳
牧文昌掖垣之選不可悉數方且繼居重任者猶森然
非精識洞鑒鑒其詞而知其人何以臻此耶憲宗皇帝
紹開中興始初英明申威提法武功旣愈文教是圖元
和五年冬執政暴疾旣瘖且痺未旬日而公作相憲章
儒術潤色王度使和聲順氣發自廊廟而鬯浹於幽遐
我之所長時以推戴玉立冰潔無緇磷遷染之譏以文
德自終豈徒然哉嗣復不佞發跡門館儀曹台席皆忝

前躅公之元子中書舍人璩不幸短命其嗣憲孫泣奉
文集求鄙文以冠篇首雖觀於巨海難挹於波濤而藉
用白茅所資誠敬其五十卷次第具在集目謹序

華化園書
Harvard Lib

鳩工姓氏

戴衢亨 戶部尚書

江西大庾人

熊枚 工部尚書

江西鉛山人

李鈞簡 吏部侍郎

湖北黃岡人

萬承風 禮部侍郎

江西義寧人

趙秉冲 兵部侍郎

江蘇上海人

吳璫 倉場總督

浙江錢塘人

蔣子蒲 工部侍郎

河南睢州人

陳崇本 太常寺少卿

河南商邱人

王宗誠 少詹事

安徽青陽人

茹 棻 翰林院侍讀學士

浙江會稽人

法式善 翰林院侍講學士

蒙古鑲藍旗人

温汝适 祭酒

廣東順德人

吳 鼐 左庶子

安徽全椒人

吳芳培 右庶子

安徽涇縣人

周系英 翰林院侍讀

湖南湘潭人

鮑桂星 左中允

安徽歙縣人

蔡之定 司業

浙江德清人

姚文田 修撰

浙江歸安人

秦承業 編修

江蘇江寧人

蔣祥墀 編修

湖北天門人

戴殿泗 編修

浙江浦江人

湯金釗 編修

浙江蕭山人

史致儼 編修

江蘇江都人

方振 編修

江西南昌人

涂以翰 御史

江西新城人

萬雲 吏部員外郎

浙江仁和人

牛坤 戶部主事

直隸天津人

方元鵬 工部主事

浙江金華人

葉繼雯 宗人府主事

湖北漢陽人

陶登瀛

咸安宮教習舉人

江蘇武進人

林天培

廣東惠潮道

順天大興人

言朝標

四川保寧府知府

江蘇人

開化圖書館
Karlhua library

權載之文集目錄

權 德輿 字載之

第一卷

詩賦

傷馴鳥賦

洞庭春溜滿賦

行舟逗遠樹賦

賜百寮追賞詩

九日言懷

重陽日言志

麟德殿觀新樂

中和節賜宴

重陽日卽事

豐年多慶

迎武舞樂章

讀穀梁傳二首

劉紹相訪

臥病喜人見訪

多病戲書

古興

感遇

跌傷謝勸釀酒

苦熱

覽鏡見白須

晚坐

竹逕偶作

過咸陽墅

南亭卽事

璩授京兆參軍

醉後

書紳

侍從遊後湖讌望

晨坐遇興

郊居歲暮

暮春閑居

月夜詠詩

崔侍御相訪

夏雨率成

夜坐道舊

自咎

田家即事

寓興

浩歌

與道者同守庚申

苦貧戲題

獨酌

知非

誠言

第二卷

詩

和李相公早朝

于司空郊居

和城南郊居

韋曲莊言懷

王侍郎領度支

和李侍郎早朝

和劉侍郎伐叛

和劉大夫麥秋出師

酬鄭尚書新詩

和許閣老見寄

和省中書懷

張監宅對酒

直夜思聞雅琴

和李尚書東亭

和殷員外直夜

酬陸參浙東見寄

酬張監過中書

酬仲員外賀正除

韓韋卿假山

和崔評事見寄

殷郎中至南宮

酬南仲見示

酬崔千牛早秋

酬靈徹上人見寄

酬蔡博士見寄

戲和三韻

贈李韶州

酬崔四郎惠蜀琴

酬馮絳州見寄

酬趙尚書見寄

酬趙尚書看花

第三卷

詩

和喜慶感懷

酬二十二兄見寄

酬陸楚源對月

酬穆侍御感懷

題鄭評事江樓

春遊茅山

和韓侍御白髮

和邵端公醉後

感張曲江

喜戴員外無事

荅韋秀才

寄贈王曹長

貢院對雪

初秋中書宿直

代書荅唐開州

待漏假寐夢舊居

祇命赴京書懷

省中憶江南舊居

寄李衡州

寄崔穉璋

詩問李韶州

贈虛公

郴州換印

泛富春江

寄侍御從舅

湖上晚眺

新秋月夜

丹陽初遂閑居

過靈徹上人房

戲贈張鍊師

戲贈天竺寺主

贈廣通上人

贈老將

戲贈崔表兄

戲贈蘇九

第四卷

詩

送韋起居老舅

送孔十兄賓客

送密秀才歸蜀

送袁中丞持節冊南詔

送房侍御歸越

送張中丞冊弔回鶻

送二十叔赴任

送十四叔赴渝州

送韋丈赴襄城

送薛丈賦得春草

十九兄歸江東

送張詹事致政歸嵩山

送許著作

送少清赴潤州參軍

送濬上人

送張僕射歸鎮

送十兄赴黔中

送韋中丞奉使新羅

韋員外赴河陽

送從弟廣東歸

送從翁赴任

送薛溫州

送王練師

送崔諭德致政東歸

送黔中裴中丞

送裴都護

三十叔赴晉陵

送別浣汎

送張曹長奉使

西蕃

餞崔判官

送文暢上人東遊

送范司空

送杜中丞赴任

送殷卿歸淮南

第五卷

詩

送杜尹赴東都

送孔江州

送渾鄧州

陳侍御夜宴敘別

別蔡十二

與丁山人別

送崔錄事

送劉少府

送李城門

送上虞丞

送盧評事省親

送崔端公入京

送張周二秀才

送張將軍歸舊業

送王少府

送從弟歸義興

送梁道士

送鄭秀才

送謝孝廉

送韓孝廉

送陸拾遺

送暎師歸本寺

送宇文少府

送溫錄事

送山人

惠上人房宴別

送裴秀才

送袁太祝

送李侍御

送穆侍御

送崔端公

送陸太祝赴湖南

送李處士

送清汶上人

送別同用潤字

送人使之江陵

別張侍御
別張評事觀省

送崔秀木歸白田
逢久別者

贈別表兄韋卿

古離別

第六卷

詩

青龍寺憑眺

朝拜昭陵

酬張秘監清辭

酬馮監遇雨見示

攝職南郊卽事

和張監酒入陵院

和鄭相公扈從

詹事府宿齋絕句

和王祭酒見寄

酬裴端公中秋對月

和崔閣老城外遊

和張秘監過蔣拾遺

酬崔舍人宿直

瑤臺寺對月

夏至日作

社日有懷

元日呈鄭侍御

七夕

九日寄丹陽親

九日北樓宴集

九日龍沙宴會

臘日龍沙會絕句

嚴陵釣臺下作

曉發武陽館

豐城劔池驛感題

奉使遇風雨作

細柳驛

渭水

宮人斜絕句

敷水驛

朝元閣

石甕寺

盤豆驛

渡揚子江寄親故

新安江路

月夜江行

江城夜泊

陪包諫議舉帆

富陽陸路

石塘路有懷

玉山嶺上作

舟行夜泊

曉發桐廬

夜汎臨平湖

次滕老莊

曉

晝

晚

夜

宿嚴陵灘

第七卷

詩

和韋諫議送家兄

和張閣老美許陳兄弟

與諸博士宴集

喜太常中書同日遷官

賀國子柳博士

過隱者居

從叔宅薔薇花開

慈恩寺看花

陳閣老看木瓜花

同遊昊天觀

過王尚書林園

與沈拾遺遊棲霞寺

棲霞寺雲居室

天竺寺

題邵端公林亭

題隱者所居

題崔山人草堂

徐孺亭馬上口號

哭劉四尚書

張工部轎車

工部發引傷足

過亡友楊校書廳

哭李晦羣

觀墓者

成南陽臺

周平西墓

蘇小小墓

題柳郎中故居

哭張十八

題亡友舊居

第八卷

歌詞

德宗挽詞三首

順宗挽歌詞三首

昭德皇后挽詞

大行皇太后挽歌詞三首

惠昭皇太子挽詞二首

文敬太子挽詞二首

莊穆公主挽歌二首

憲穆公主挽詞二首

惠康公主挽詞二首

西平王挽詞

北平郡王挽詞

和李尚書竹亭歌

和張僕射朝天行

清上人院牡丹花歌

錫杖歌

馬秀才草書歌

離合詩

酬轉韻離合見贈

同前崔汾和

同前楊於陵和

同前許孟容和

同前馮伉和

同前潘孟陽和

同前武少儀和

春日雪

酬張薦

又酬張薦

五雜俎

數名詩

星名詩

卦名詩

藥名詩

古人名詩

州名詩

八音詩

建除詩

六府詩

三婦詩

安語

危語

大言

小言

第九卷

詩

雜詩五首

廣陵詩

古意

春日戲題十首

相思曲

古樂府

渡秋江怨

秋閨月

薄命篇

放歌行

旅館雪晴新月

玉臺體

贈友人

舟行見月

雜興五首

第十卷

詩

以詩代書寄內

夜泊有懷

蘭溪有寄

相思樹

石楠樹

斗子灘

黃蘗館

清明日次弋陽

中書夜直

病中遇直

禮部宿齋有貺

酬九日

和九月遊

上巳日赴祓禊之會二絕

見懷貢院

桃源篇

聽琴舉酒

七夕

同興慶宮卽事

同蒙恩封成紀縣伯

崔尹寫告身

奉使豐陵

南園宴會

題諸孫乞巧文

太常寺宿齋

朝回閱樂

中書宿齋

中書送敕賜齋饌

敕賜長壽酒

冬至日宿齋郡君朝謁

發峽石路上

西岳廟祝謁

第十一卷

碑銘

岐國公杜公淮南遺愛碑銘

貞武張公遺愛碑銘

第十二卷

碑銘

南川郡王劉公紀功碑銘

李公遺愛碑銘

韋公先廟碑銘

于公先廟碑銘

薛公先廟碑銘

第十三卷

碑銘

渾公神道碑銘

趙公神道碑銘

杜公神道碑銘

盧公神道碑銘

第十四卷

碑銘

齊成公神道碑銘

姚公神道碑銘

王公神道碑銘

第十五卷

碑銘

董公神道碑銘

劉公神道碑銘

嚴公神道碑銘

第十六卷

碑銘

淮陰縣令王府君神道碑銘

伏陸縣令王府君神道碑銘

絳州刺史李公神道碑銘

第十七卷

碑銘

裴公神道碑銘

武公神道碑銘

伊公神道碑銘

崔公神道碑銘

王公神道碑銘

第十八卷

碑銘

裴府君神道碑銘

河間君神道碑銘

孫公神道碑銘

谷氏神道碑銘

百崑禪師碑銘

三洞法師吳先生碑銘

第十九卷

行狀

馬太傅行狀

第二十卷

行狀

盧公行狀

韓公行狀

第二十一卷

墓誌銘

劉公墓誌銘

張公墓誌銘

嚴公墓誌銘

第二十二卷

墓誌銘

賈公墓誌銘

杜公墓誌銘

禮部尚書張公墓誌銘

右僕射李公墓誌銘

第二十三卷

墓誌銘

太常卿韋公墓誌銘

朝議大夫韋君墓誌銘

太中大夫羅公墓誌銘

祕書少監周君墓誌銘

衛尉少卿裴君墓誌銘

太子太保徐公墓誌銘

第二十四卷

墓誌銘

太子少保徐公墓誌銘 并序

禮部尚書王公改葬墓誌銘

容州刺史戴公墓誌銘 并序

饒州刺史崔君墓誌銘 并序

歙州刺史陸君墓誌銘 并序

司門員外郎仲君墓誌銘 并序

第二十五卷

墓誌銘

權府君墓誌銘 并序

李公墓誌銘 并序

司農少卿李公墓誌銘 并序

大理評事唐君墓誌銘 并序

太原府司錄李府君墓誌銘 并序

監察御史張府君墓誌銘 并序

兵曹參軍蕭府君墓誌銘 并序

丹陽縣丞盧君墓誌銘 并序

第二十六卷

墓誌

王妣夫人楊氏祔葬墓誌銘 并序

先公先太君靈表

獨孤氏亡女墓誌銘 并序

殤孫進馬墓誌

叔父華州參軍府君墓誌銘 并序

再從叔父蘄縣令府君墓誌銘 并序

再從叔父咸陽縣丞府君墓誌銘 并序

登封縣令權君墓誌銘 并序

郴州刺史李君墓誌銘 并序

長安主簿李君墓誌銘 并序

建昌縣丞崔君墓誌銘 并序

房州刺史崔君墓誌銘 并序

第二十七卷

墓誌

崔公夫人柳氏祔葬墓誌銘 并序

鄧國夫人谷氏墓誌銘 并序

衛國夫人李氏墓誌銘 并序

權公夫人張氏墓誌銘 并序

王君夫人崔氏祔葬墓誌銘 并序

許君夫人韋氏墓誌銘 并序

比丘尼元應墓誌銘 并序

何君夫人盧氏墓誌銘 并序

李公夫人盧氏墓誌銘 并序

柳君夫人權氏墓誌銘 并序

第二十八卷

銘贊

石門道一禪師塔銘 并序

大律師多寶塔銘 并序

三藏和尚影堂碣銘 并序

契微和尚塔銘 并序

興唐觀新鍾銘 并序

世德銘 幾銘

歲星居心贊 并序 二疎

賀監草書贊 無為先生贊

畫西方變贊 畫釋迦如來贊

繡阿彌陀佛贊 并序

第二十九卷

諡議

德宗皇帝諡冊文 莊憲皇后諡冊文 奉勅撰

司空李公諡議

獨孤公諡議

昭陵寢宮奏議

祭岳鎮海瀆等奏議

獻懿二祖遷廟奏議

第三十卷

論議

兩漢辯亡論

荅客問

酷吏傳議

世祖封不義侯議

志過

荅問三章

醉說

釋疑

放言

第三十一卷

記

京兆少尹西廳壁記

答問三章

祕書郎壁記

世厥佳不薄外篇

司門員外郎壁記

答答問

吏部員外郎南曹廳壁記

宏文館大學士壁記

司徒岐公杜城郊居記

太宗飛白書記

第三十二卷

記

宣州響山新亭新營記

黔州觀察使新廳記

開州刺史新宅記

洪州西山風雨池記

虛上人石帆山靈泉北塲記

許氏吳興溪亭記 草衣禪師宴坐記

第三十三卷

集序

常山文貞公崔公集序 陸贄翰苑集序

贊皇文獻公文集序

博陵崔君文集序 兵部郎中楊君文集序

漳州刺史張君集序

宗元先生吳尊師集序

第三十四卷

集序

梓州刺史權公文集序

司徒張公文集序 太子太保姚公文集序

左諫議大夫韋君詩集序

左衛曹曹許君詩集序

第三十五卷

序

魏國公貞元十道錄序

韋君詩集序

崔侍御詩集序

熊氏清風亭詩序

蕭侍御喜陸太祝移居詩序

第三十六卷

序

送張僕射歸徐州序

送袁中丞持節冊回鶻序

送張中丞持節冊弔新羅序

送韋中丞使新羅序

送裴中丞赴黔中序

送安南裴中丞序

送仲員外充選補使序

送殷員外出守均州序

送陸使君赴任序

送許員外出守鄖州序

送建州趙使君序

送杜少尹赴東都序

送袁尙書赴襄陽序

第三十七卷

序

送韋起居歸嵩陽舊居序

送崔陸事赴官序

送崔諭德致仕東歸序

送薛將作分司東都序

送韋十二丈任王屋序

送李判官赴黔中序

送李侍御赴成都序

送崔判官赴義武軍序

送李司功赴任序

送從叔赴任鄱陽序

送從兄南仲登科後歸序

送從兄立赴崑山主簿序

送再從弟少清赴潤州參軍序

送三從弟長孺擢第後歸序

送三從弟况赴義興尉序

第三十八卷

序

送袁少府赴官序

送劉秀才登科後覲省序

送前溧陽路丞序
送許協律赴西川序

送商州崔判官序
送鄭錄東遊序

送賈使君赴任序
送馬少府赴官序

送徐諮議東歸序
送李侍御赴嶺南序

送靈徹上人歸沃州序

送渾淪先生遊南岳序

送崔端公赴江陵序

送張校書歸湖南序

送從兄穎遊江西序

送從舅泳入京序

第三十九卷

序

送許校書赴江西使府序

重送許校書聯句

送王仲舒序

送丘穎序

送韋評事序

送馬正字序

送陸校書序

送立上人序

送道依闍黎序

送鄭秀才序

送元中丞序

送王侍御序

秋夜讌會序

臘日讌集序

送張評事序

送盧判官序

送馬典設序

送丁少府序

送陳秀才序

送鈕秀才序

送獨孤孝廉序

第四十卷

策問

進士策問五篇

明經春秋第一問

明經禮記第一問

明經周易第二問

明經尚書第二問

明經毛詩第二問

明經穀梁第二問

明經論語第三問

道舉第一問

道舉第二問

宏文生第三問

禮部策問十篇

左氏傳問二篇

禮記問二篇

周禮問二篇

周易問六篇

尚書問二篇

毛詩問二篇

穀梁傳問二篇

論語問二篇

道舉問三篇

宏崇生問二篇

中書試進士策問兩道

吏部試上書人策問三道

第四十一卷

書

柳福州書

荅柳福州書

與張祕監書

荅書

字發

第四十二卷

書

與柳諫議書

與杜給事書

崔左司書

荅崔左司書

賀崔相國書

與獨孤秀才書

荅獨孤秀才書

荅楊湖南書

第四十三卷

表

趙相公謝賜金石凌表

盧相公謝中書侍郎表

賈相公陳乞表
盧相公謝賜方藥三表

趙相公謝平章事表

盧相公陳乞兩表
盧相公謝授賓客表

賈相公陳乞表
鄭相公讓中書侍郎表

崔相公謝門下侍郎表

賈相公謝賜馬等表

齊相公讓脩國史表
齊相公進所賜馬表

賈相公陳乞六表

第四十四卷

表

賀破吐蕃表

賀元誼出洛州城表

賀擒送李迺表

賀靈武大破吐蕃表

賀破賊三表

賀雪三表

賀雨三表

謝放朝參表

賀減膳降雨表

賀德音賑給表

賀八陵修畢表

賀白鷓鴣表

賀黃河清表

賀獲白兔表

賀獲白鹿表
賀嘉禾合穗表

賀獲白山鵲等表
賀連理棠樹表

賀甘露表

賀瑞蓮花表

第四十五卷

表狀

謝御製賜百官追賞詩狀

和御製賜百官追賞詩狀

謝御製九日言懷賜詩狀

和聖製九日言懷詩狀

謝聖製重陽日中外同歡賜詩狀

和聖製重陽日中外同歡詩狀

賀新製中和樂狀

和聖製觀新樂詩狀

勅批

謝御製賜百官宴集示詩狀

和聖製賜百官宴集詩狀

謝御製重陽日卽事詩狀

和聖製重陽日卽事詩狀

賀建康郡王誕皇曾孫狀

賀南詔授冊禮畢表

賀幽州大破奚虜狀

賀三教論議狀

奉韋臯奏南詔奉聖樂章表

賀雅州大破蕃寇狀

第四十六卷

表狀

謝恩賜馬等狀

謝批荅表

謝知門下事狀

請耐廟狀

謝追贈表

進詩表

謝借飛龍馬狀

留守謝上表

太常博士舉人自代狀

右補闕舉人自代狀

起居舍人舉人自代狀

平章事舉人自代狀

賀除于頔太子賓客表

謝停賜口臘表

謝端午賜衣表

請置防禦軍表

謝吳少陽起復表

謝賜錢狀

奏孝子劉敦儒狀

謝賜冬衣表

請加置留鎮兵狀

將士賀置狀

請加置兵衣糧狀

裴次元充東都副留守狀

謹移義成軍人鎮陽翟狀

謝除太常卿表

應緣遷奉狀

第四十七卷

疏

論水災上疏

論度支上疏

請置兩省官表

淮西招討事宜

徐州事宜表

許孟容論齊總授官事

論旱災表

昭義軍事宜

恒州招討事宜

山東行營條件

第四十八卷

祭文

祭包監文

祭韓祭酒文

祭盧華州文

祭崔侍御文

祭梁補闕文

祭唐舍人文

祭李祭酒文

祭華殿中文

祭柳郎中文

祭李元易文

祭李處士文

第四十九卷

祭文

祭獨孤常州文

祭獨孤台州文

祭賈魏公文

祭張工部文

祭杜岐公文

祭徐給事文

祭奚吏部文

祭呂給事文

第五十卷

祭文

祭員外叔父文

祭相國安平公文

祭河東縣君文

祭崔丞文

祭崔使君文

祭楊校書文

祭崔士曹文

祭楊校書夫人文

祭唐評事文

告王考禮部文

祭王妣楊氏文

告先公貞孝文

祭獨孤少監文

祭孫男法延師文

祭外孫女文

權載之文集目錄終

Wachua library

新刊權載之文集卷一



唐權 德興 字載之

賦詩

傷馴鳥賦

紛羽族之多端兮同翮飛而類殊有鸚鵡之微禽亦播
質於洪鑪因稚子之嬉遊得中園之墜雛恣飲啄以馴
擾來目前與座隅爾乃棲以籠檻鍛其羽翼留軒所以
爲娛俾遐翥之無力乍踉蹌而將舉顧離隄而復息雖
主人之見容終使喪天和於自得或親賓至止徽軫徐
觸每聞絃而鼓翼亦逗節而翹足吭宛轉以成態聲間

關而助曲乍寂寞以閑暇若凝情於相矚理輕毳以自
潔類山元之佩玉每翔集以安卑同君子之自牧思謝
尙之起舞邁風流之逸躅苟魯昭之不君固乾侯之出
辱方渡濟以申儆伊涼德之自覆徵故老之相傳驗曩
記之或存在端午之司辰剪其舌而能言巧喉嚅以達
情順人心而不諉方渴日以呈材願朱明之駿奔忽愀
愴以顛顛響哀音於簾箔竟啁啾而不去若佗翔之有
託悅心訝而未辯欬狴狴之攫搏俄斃踣而不勝紛血
灑以毛落彼葛廬與冶長通鳥獸之音聲闕君子之周
防無古人之至精旣不能縱爾於遼廓又不能遂爾之

生成使異類之得志曾未極其飛鳴則本夫養之之惠
適所以害其生生又憶夫清江之使者東海之波神苟
其時之不來則剝腸而涸鱗鴈鍾鼓而反悲馬皂棧而
多死雖爲遇之已甚固又天其天理嘗聞乎聖賢之理
物也愚智殊方薰蕕異藏善用無棄兮互見其長各有
攸處兮兩不相傷官天地而府萬物繇此道而爲常吾
旣悟斯理之不早因失之而後防收視聽以冥觀兮遂
群性之茫茫

洞庭春溜滿賦

送陸灞赴荊州

湖渺渺兮蕩東風以發春春溜滿兮連淨綠以無垠接

遠色於青草散晴輝於白蘋及夫反照安流烟花明麗
 霞生水底鳥沒空際聽櫂謳之四起見片帆之遠逝杳
 空曠以澄鮮窮千里於一睇若乃路轉涪陽波連沅湘
 杜蘅秀兮蕙若芳寫雲翠兮沉夕陽月明露下靄蒼蒼
 結遐想於騷人兮悄目極以心傷婉婉長離翩翩綵鷁
 遠泛桃花之浪去從蓮府之辟雲兮水兮指前程於空
 碧

行舟逗遠樹賦

送嚴暮赴東陽

有美一人兮桂為楫蘭為舟逗遠樹之晴影泛春江之
 碧流乍迷雲葉稍映蘋洲凝暮色於愁睇空藹藹以悠

悠悠的輕舟亭亭遠質喜揚舫之漸近嗟轉岸而還失
映微波以惹蒨貯嵐翠之蒙密愴南浦之別離占橫塘
之風日柳怨別兮楓傷春望不辯兮愁殺人空江邊兮
遠郊外紛離緒兮相對顰蹙落照以微明羃夕烟而又
晦波茫茫兮景沉沉思結纜於清陰惜歸舟之不駐傷
遠日以軫離心

奉和聖製九月十八日賜百寮追賞因書所懷
錫宴朝野洽追歡堯舜情秋堂絲管動水榭烟霞生黃
花媚新霽碧樹含餘清同和六律應交泰萬寓平春藻
下中天湛恩闡文明小臣諒何幸亦此影華纓

奉和聖製九日言懷賜中書門下及百寮

令節在豐歲皇情憇人安
絲竹調六律簪裾列千官
烟霜暮景清水木秋光寒
筵開曲池上望盡終南端
天麗慶霄漢墨妙驚飛鸞
願言黃花酒永奉今日歡

奉和聖製重陽日中外同歡以詩言志因示百寮

玉醴宴嘉節拜恩歡有餘
煌煌菊花秀馥馥莢房舒
白露秋稼熟清風天籟虛
和聲度簫韶瑞氣深儲胥
百辟皆醉止萬方今晏如
宸衷在化成藻思煥瓊琚
微臣徒竊抃豈足歌唐虞

奉和聖製仲春麟德殿會百寮觀新樂

仲月藹芳景內廷宴群臣森森列千戚濟濟趨鈞陳大
樂本天地中和序人倫正聲邁咸濩易象含義文玉俎
映朝服金鈿明舞裯韶光雪初霽聖藻風自薰時泰恩
澤溥功成行綴新賡歌仰昭回竊比華封人

奉和聖製中和節賜百官宴集因示所懷

萬方慶嘉節宴喜皇澤均曉開萸茱初景麗星鳥春藻
思貞百度著明並三辰物情舒在陽時令引至仁衢酒
和樂被薰絃聲曲新賡歌武弁側永荷元化醇

奉和聖製重陽日卽事六韻

嘉節在陽數至歡朝野同恩隨千鍾洽慶屬五稼豐時
菊洗露華秋池涵霽空金絲響仙樂劔鳥羅宗公天道
光下濟睿詞敷大中多慙擊壤曲何以荅堯聰

奉和聖製豐年多慶九日示懷

寒露應秋節清光澄曙空澤均行葦厚年慶華黍豐聲
明暢八表宴喜陶九功文麗日月合樂和天地同聖言
在推誠臣職事匪躬瑣細何以報鸞飛淳化中

贈文敬太子廟時享退文舞迎武舞樂章

千旄羽籥相虧蔽一進一退殊行綴昔獻三雍盛禮容
今陳六佾崇儀制

讀穀梁傳二首

荀寅士吉射誠乃蔽聰明奈何趙志父專舉晉陽兵下
令漢七國借此以爲名吾嘉徙薪知禍亂何由生
憶昔溴梁會豈伊無諸侯群臣自盟歆君政如贅旒有
力則宗楚何人復尊周空文徒爾貶見此背血流

劉紹相訪夜話因書卽事

故人愴久別茲夕欵郊扉山僮漉野醞穉子褰書帷清
露泣珠瑩金波流玉嶽忘言我造適瞪視君無違但令
靜勝躁自使癯者肥不待遽生年從此知昔非

卧病喜惠上人李鍊師茅處士見訪因以贈

沉痾結繁慮卧見書窗曙方外三賢人惠然來相親整
巾起曳策喜非車馬客支郎有佳文新句凌碧雲霓裳
何飄飄浩志凌紫氛復有沉冥士遠係三茅君各言麋
鹿性不與簪組羣清言出象繫曠跡逃元纁心源暫澄
寂世故方糾紛終當逐師輩巖桂香氤芬

多病戲書因示長孺

行年未四十已覺百病生眼眩飛蠅影耳厭遠蟬聲甘
辛敗六藏冰炭交七情唯思曲肱枕搔首擲華纓

古興

月中有桂樹無翼難上天海底有龍珠下隔萬丈淵人

生大限雖百歲就中三十稱一世晦明烏兔相推遷雪
霜漸到雙鬢邊沉憂戚戚多浩歎不得如意居太半一
氣暫聚常恐散黃河清兮白石爛

感寓

殘雨倦欹枕病中時序分寒蟲與秋葉一夜隔窗聞虛
空對搖落晤言無與羣冥心試觀化世故如絲棼但看
鳶戾天豈見山出雲下里徒擊節朱絃秘南薰梧桐秀
朝陽上有威鳳文終待九成奏來儀瑞吾君

跌傷伏枕有勸醲酒者暫忘所苦因有一絕

一盃宜病士四體委匡床暫得遺形處陶然在醉鄉

病中苦熱

三伏鼓洪爐支離一病夫
倦眠身似火渴歎汗如珠
悸之心難定沉煩氣欲無
何時灑微雨因與好風俱

覽鏡見白鬚數莖光鮮特異

秋來皎潔白鬚光試脫朝簪
學酒狂一曲酣歌還自樂
兒孫嬉笑挽衣裳

南亭晚坐因以示璩

隱几日無事風交松桂枝
園廬含曉霽草木發華姿
跡似南山隱官從小宰移
萬殊同野馬方寸卽靈龜
弱質常多病流年近始衰
圖書傳授處家有一男兒

竹逕偶然作

退朝此休沐閉居無塵氛支策入幽逕清風隨此君琴
觴恣偃傲蘭蕙相氤氲幽賞方自適林西烟景曛

拜昭陵過咸陽墅

季子乏二頃揚雄才一廛伊予此南畝數已踰前賢頃
歲辱明命銘勲鏤貞堅遂茲操書致內顧增缺然乃葺
場圃事迨今三四年適因昭陵拜得抵咸陽田田夫競
致辭鄉耆爭來前林盤旣羅列雞黍皆珍鮮古稱祿代
耕人以食爲天自慙廩給厚諒使并稅先塗塗溝塍霧
漠漠桑柘烟荒蹊沒古木精舍臨秋泉池籠豈所安樵

和靜有真質斯人稱最靈感物感天生蜀里分
和靜有真質斯人稱最靈感物感天生蜀里分
牧乃所便終當解纓絡田里諧因緣

早春南亭卽事

虛齋坐清晝梅坼柳條鮮節候開新厯筋骸減故年振
衣慙艾綬闕鏡嘆華顛獨有開懷處孫孩戲目前

璩授京兆府叅軍戲書以示兼呈獨孤郎

見爾府中趨初官足慰吾老牛還舐犢凡鳥亦將雛喜
至翻成感癡來或欲殊因慙玉潤客應笑此非夫

醉後

美祿與賢人相逢自可親願將花柳月盡賞醉鄉春

書紳詩

和靜有真質斯人稱最靈感物惑天性觸理紛多名禍
機生隱微智者鑒未形敗禮因近習詰人自居貞當令
念慮端鄙嫚不能萌苟非不踰矩焉得遂性情謹之在
事初動用各有程千里起步武彗雲自織莖心源一流
放駭浪奔長鯨淵木苟端深枝流則貞清和理通性術
悠久方昭明先師留中庸可以導此生

侍從遊後湖讌望

絕境殊不遠湖塘直吾廬烟霞旦夕生泛覽誠可娛慈
顏俯見喻輟爾詩與書清旭理輕舟嬉遊散煩劬宿雨
蕩殘燠惠風與之俱心靈一開曠機巧眇已踈中流有

荷花花實相芬敷田田綠葉映艷艷紅姿舒繁香好風
結淨質清露濡丹霞無容輝嫵色亦踟躕穠芳射水木
欹菜游龜魚化工若有情生植皆不如輕舟任沿沂畢
景仍躊躇家人亦恬曠稚齒皆忻愉素絃激淒清旨酒
盈樽壺壽觴旣頻獻樂極隨歌呼圓月初出海澄輝來
滿湖清光照酒酣頰傾百慮無以茲心目暢敵彼名利
途輕肥何爲者漿藿自有餘願銷區中累保此湖上居
無用誠自適年年翫芙蕖

晨坐寓興

清晨坐虛齋羣動寂未誼泊然一室內因見萬化源得

喪心旣齊清淨教益敦境來每自愜理勝或不言亭柯
見榮枯止水知清渾悠悠世上人此理法難論

郊居歲暮因書所懷

養拙方去諠深居絕人事返耕忘帝力樂道踈代累脩
然衡茅下便有江海意寧知肉食尊自學儒衣貴烟霜
當暮節水石多幽致三徑日閑安千峯對深邃策藜出
村渡岸幘尋古寺月魄清夜琴猿聲警朝寐地偏芝桂
長境勝烟霞異獨鳥帶晴光踈篁淨寒翠窗前風葉下
枕上溪雲至散髮對農書齋心看道記清言覈名理開
卷窮精義求譽觀朶頤危身陷芳餌紛吾守孤直世業

梅華之文集 卷一
九
常恐墜就學緝韋編銘心對歌器元和暢萬物動植咸
使遂素履期不渝永懷邱中志

暮春閑居示同志

避諠非傲世幽興樂郊園好古每開卷居貧常閉門曙
鍾來古寺旭日上西軒稍與清境會暫無塵事煩靜看
雲起滅閑望鳥飛翻乍問山僧偈時聽漁父言體羸諳
藥性事簡見心源冠帶驚年長詩書喜道存小池泉脉
湊危棟鸞雛喧風入松陰淨花添竹影繁灌園輸井稅
學稼奉晨昏此外知何有怡然向一罇

秋疾初愈月夜詠左思招隱詩因而成詠

閑吟理輕步不厭涼夜詠斷續風際聲清羸月中影螢
光拂花露泉脉連桐井心暢百慮銷境閑萬籟靜前賢
有遺韻顧我三日省朗懷方自怡星河漸耿耿

臥病初愈崔侍御相訪

移疾門常掩今朝枉繡衣笑言心乍愜拜伏力猶微晚
歲貞筠少貧家上客稀如何忽見訪里巷有清輝

夏雨率成呈邑中諸公

片雲飛暮雨瀟灑小亭閑細響踈蕪裏微涼坐臥間已
深池際水更綠枕前山未敢勞車馬柴扉且閉關

與故人夜坐道舊

笑語歡今夕烟霞愴昔遊清羸還對月遲暮更逢秋勝
理方自得浮名不在求終當製初服相與臥林邱

自咎

自咎咎何窮飄然葦戶中清時名未立稔歲室猶空幽
獨慙芳桂飛鳴羨早鴻出門何所見觀息向秋風

田家卽事

閑臥藜床對落暉翛然便覺世情非漠漠稻花資旅食
青青荷葉製儒衣山僧相訪期中飮漁父同遊或夜歸
待學尙平婚嫁畢渚烟溪月共忘機

寓興

弱冠無所就百憂鍾
一身世德旣顛墜
素懷亦堙淪風烟
隔嵩邱羸疾滯漳
濱昭代未通籍
豐年猶食貧敢求
庖有魚但慮甑生
塵俛首媿僮僕
蹇步羞親賓
豈伊當途者
一一由中人
已矣勿復言
吾將問秋旻

浩歌

杖策出蓬葦浩歌秋興長
北風吹荷衣蕭颯景氣涼
通逵抵山郭里巷連湖光
孤雲淨遠峯淥水溢方塘
魚鳥樂天性雜英互芬芳
我心獨何爲萬慮縈中腸
履道身未泰主家謀不臧
心爲世教牽跡寄翰墨場
出處兩未定羈羸空自傷
心憂不可裁佇立河之梁
晚歸茅簷下

林韋之文集 卷一
左右陳壺觴獨酌復長謡放心遊八荒得喪同一域是
非亦何常胡爲苦此生矻矻徒自強乃知盃中物可使
憂患忘因茲謝時輩栖息無何鄉

與道者同守庚申

洞真善救世守夜看仙經俾我外持內當茲申配庚齋
心已恬愉澡身自澂明沉沉簾幃下靄靄燈燭清四支
動用息一室虛白生收視忘趣捨叩齒集神靈伊予嗜
欲寡居常痾恙輕三尸旣伏竄九藏乃和平無令耳目
勝則使性命傾窅然深夜中若與元氣并釋宗稱定慧
儒師著誠明派分示三教理詣無二名吉祥能止止委

順則生生視履苟無咎天祐期永貞應物智不勞虛中
理則冥豈資金丹術卽此駐顏齡

丙寅歲苦貧戲題

清朝起藜床雪霜封枯籬家人來告予今日無晨炊醯
醢一已罄薪炭固難期厚生彼何人工拙各異宜間歲
從使檄親賓苦川馳雖非悖而入與出常相隨吳門與
南畝頗亦持鎡基有時遇豐年歲計猶不支顏原諒賢
人陋巷能自怡中憶裴子野泰然傾薄糜愧非古人心
戚戚愁朝飢近古猶不及太上那可希柰何時風扇使
我正性衰巧智競憂勞展轉生澆漓吾觀黃金印未勝

梅華之文集卷一
三
青松枝粗令有魚菽豈復求輕肥顧慙主家拙甘使羣
下嗤如何致一盃醉後無所知

獨酌

獨酌復獨酌滿盞流霞色身外皆虛名酒中有全德風
清與月朗對此情可極

知非

名教自可樂縉紳貴行道何必學狂歌深山對豐草

誠言

言之或未行前哲所不取方寸雖浩然因之三緘口
權載之文集卷一

權載之文集卷二

唐權 德輿 字載之

律詩

奉和李相公早朝於中書候傳點偶書所懷奉

呈門下相公中書相公

五更鍾漏歇千門
扃鑰開紫微殘月下黃道
曉光來辨色趨中禁
分班列上台祥烟初繚繞
威鳳正徘徊斧藻歸全德
輪轅適衆材化成風偃草
道合鼎調梅渥命隨三接
皇恩暢九垓嘉言造膝去
喜氣沃心迴東閣延多士
南山賦有臺陽春那敢和
空此詠康哉

奉和于司空二十五丈新卜城南郊居東接司

徒公別墅卽事書情奉獻兼呈李裴相公

一德承昌運三公翊至尊雲龍諧理代魚水見深恩別
墅池塘曉晴郊草木蕃溝塍連杜曲茅土盛于門卜築
因登覽經邦每討論退朝鳴玉會入室斷金言林援依
東閣壺觴接後園逕深雲自起風靜葉初翻宰物歸心
匠虛中卽化源巴人寧敢和空此媿遊藩

奉和新卜城南郊居得與衛右丞隣舍因賦詩

寄贈

上宰坐論道郊居仍里仁六符旣昭晰萬象隨陶鈞旭

旦下玉墀鳴騶拂車茵軒窗退殘暑風物迎蕭辰山澤
蜃雨出林塘魚鳥馴豈同求羊逕共是羲皇人石君五
曹重左戶三壤均居止烟火接逢迎雞黍頻大方本無
隅盛德必有隣千年郢曲後復此聞陽春

奉和韋曲莊言懷貽東曲外族諸弟

韋曲冠蓋里鮮原鬱青葱公台睦中外墅舍隣西東騶
馭出國門晨曦正曛曛燕居平外土野服叅華蟲疆畎
分古渠烟霞連灌漑長幼序以齒歡言無不同憶昔全
盛時鄖郇播休功代業橫宇內光塵藹墟中慨息多永
歎歌詩厚時風小生忝瓜葛慕義斯無窮

和王侍郎病中領度支煩迫之餘過西園書堂

閑望

憑檻輟繁務
晴光烟樹分
中邦均禹貢
上藥驗桐君
滿
逕風轉蕙
卷簾山出雲
鏘然玉音發
餘興在斯文

奉和度支李侍郎早朝

夙駕趨北闕
曉星啟東方
鳴騶分騎吏
列燭散康莊
照
灼華簪並委迤
綺陌長腰金
初辨色噴玉
自生光獻替
均三壤貞明
集百祥下才
叨接武空此
媿文昌

奉和劉侍郎司徒奉詔伐叛書情呈宰相

玉帳元侯重
黃樞上宰雄
緣情詞律外
宣力廟謀中
震

耀恭天討嚴凝助歲功行看畫麟閣凜凜有英風

奉和鄜州劉大夫麥秋出師遮虜有懷中朝親

故

天子愛全才故人雄外臺綠油登上將青綬亞中台亭
障鳴笳入風雲轉旆來蘭坊分杳杳麥壠望莓莓月向
瑯弓滿蓮依寶劔開行師齊鶴列錫馬盡龍媒壯志徵
梁甫嘉招萃楚材千尋推直幹百鍊去纖埃間濶勞相
望歡言幸早陪每聯花下騎幾泛竹間杯芳訊雙魚遠
流年兩鬢催何時介主覲攜手詠康哉

太原鄭尚書遠寄新詩走筆酬贈因代書賀

曉開閭闔出絲言共喜全才鎮北門職重油幢推上略
榮兼草履見深恩昔歲經過同二仲登朝竝命慙無用
曲臺分季奉齋祠直筆繫年陪侍從芬芳雞舌向南宮
伏奏丹墀跡又同公望數承黃紙詔虛懷自號白雲翁
戎裝躡蹠紛出祖金印煌煌寵司武時看介士閱犀渠
每狎儒生冠章甫晉祠汾水古并州千騎雙旌居上頭
新握兵符應感激遠緘詩句更風流緇衣諸侯諒稱美
白衣尙書何可比只今麟閣待丹青努力加餐報天子

奉和許閣老酬淮南崔七十端公見寄

文行蘊良圖聲華挹大巫掄材超粉署駁議在黃樞自

得環中辯偏推席上儒八音諧雅樂六轡騁康衢密侍
今鏘珮雄才本弃繻鑪烟霏璫闔宮漏滴銅壺舊友雙
魚至新文六義敷斷金揮麗藻比玉詠生芻交辟嘗推
重單辭忽受誣風波疲賈誼歧路泣楊朱溟漲前程險
炎荒旅夢孤空悲鳶跼水翻羨雁銜蘆故國方迢遞羈
愁自鬱紆遠猷來象魏霈澤過番禹盡室扁舟客還家
萬里途索居因仕宦著論擬潛夫帆席來應駛郊園半
已蕪夕陽尋古逕涼吹動纖枯憶昔同駟傳忘懷或據
梧幕庭依古刹緡稅給中都瓜步經過慣龍沙眺聽殊
春山嵐漠漠秋渚露塗塗

德輿建中與元之間與崔同
爲鹽鐵邑大夫從事楊子旣

濟寺貞元初德輿受辟於江
西廉推崔又知度支院在焉
孰謂原思病非關寧武愚
方看簪獬豸俄歎繫駒駝
芳訊風情在佳期歲序徂
二賢歡最久三益義非無
柏悅心應爾松寒志不渝
子將陪禁掖亭伯限江湖
交分終推轂離憂莫向隅
分曹日相見延首憶田蘇

奉和李給事省中書情寄劉苗崔三曹長因呈

許陳二閣老

常寮幾處伏明光
新詔聯翩夕拜郎
五夜漏清天欲曙
萬年枝暖日初長
分曹列侍登文石
促膝閑謠接羽觴
共說漢朝榮上賞
豈令三友滯馮唐

過張監閣老宅對酒奉酬見贈

其年停
貢舉

里仁無外事徐步一開顏
荆玉收難盡齊竽喜暫閑
秋風傾菊酒霽景下蓬山
不用投車轄甘從倒載還

奉和張舍人閣老閣中直夜思聞雅琴因以書
事通簡僚友

紫垣宿清夜藹藹復沉沉
圓月衡漢淨好風松篠深
軒窗韻虛籟蘭雪懷幽音
珠露銷暑氣玉徽結遐心
盛才本殊倫雅誥方在今
佇見舒綵翮翻飛歸鳳林

和兵部李尚書東亭詩

三接履聲退東亭斯曠然
風流披鶴氅操割佩龍泉
雲

卷巖巘疊雨餘松桂鮮豈煩禽尚遊所貴天理全

和司門殷員外早秋省中書直夜寄荆南衛象

端公

共嗟王粲滯荊州才子爲郎憶舊遊涼夜偏宜粉署直
清言遠待玉人酬風生北渚烟波濶露下南宮星漢秋
早晚得爲同舍侶知君兩地結離憂

酬陸三十二叅浙東見寄

驗馬別已久鯉魚來自烹慙故人意怱悵中林情
蒞重江外杳杳一枝瓊搔首望良覲爲君華髮生

奉酬張監閣老雪後過中書見贈加兩韻簡南

省僚舊

寓直久叨榮新恩倍若驚風清五夜永節換一陽生潘
鬢年空長齊竽藝本輕常時望連茹今日劇懸旌枉步
歡方接含毫思又縈煩君白雪句歲晏若爲情

酬主客仲員外見賀正除

五年承乏奉如綸才薄那堪侍從臣禁曙獨聞清漏曉
命書慙對紫泥新周班每喜簪裾接郢曲偏宜諷詠頻
憶昔曲臺嘗議禮見君論著最相親

奉和太府韋卿閣老左藏庫中假山之作

春山仙掌百花開九棘署金有上才忽向庭中摹峻極

如從洞裏見昭回小松已負干霄狀片石皆疑縮地來
都內今朝似方外仍傳麗曲寄雲臺

奉和崔評事寄外甥劉同州并呈杜賓客許給

事王侍郎昆弟楊少尹李侍衛并見寄之作

芳訊來江湖開緘粲瑤碧詩因乘黃贈才擅雕龍格深
陳名教本諒以仁義積藻思成采章雅音聞皦繹清時
左馮翊貴仕二千石前日應星文今茲啟華戟謝公嘗
乞墅乞音氣甯氏終相宅往歲疲草元忘年齊舉白酒酣
吟更苦夜艾談方劇棗巷風雨秋石頭烟水夕多逢長
者轍不屑諸公辟酷似仰牢之雄詞挹亭伯老驥念千

里飢雁舒六翮
叵能捨郊扉
來偶朝中客

和職方殷郎中留滯江漢初至南宮呈諸公并

見寄

十歲別文昌
藩符寄武當
師貞上介
辟恩擢正員
郎藻

思烟霞麗歸軒
印綬光

頃佐山南
榮加章服

還希駐輦問
莫自歎

馮唐

奉酬從兄南仲見示十九韻

晉季天下亂
安邱佐關中
德輝靄家謀
侯籍推時功
簪纓盛西州
清白傳素風
逢時有舒卷
繕性無窮通
吾兄挺奇姿
向晦道自充
耕鑿汝山下
退然安困蒙
詩成三

百篇儒有一畝宮琴書滿座右芝朮生牆東麗藻粲相
鮮晨輝艷芳藜清光杳無際皓魄流霜空邦有賢諸侯
主盟詞律雄薦賢比文舉理郡邁文翁樓中賞不獨池
畔醉每同聖朝闢四門發跡貴名公小生何爲者往歲
學雕蟲華簪映武弁一年被微躬開緘捧新詩瓊玉寒
青葱謬進空內訟結懷遠忡忡時來無自疑刷翮摩蒼
穹

酬崔千牛四郎早秋見寄

浩歌坐虛室庭樹生涼風碧雲滅奇彩白露萎芳藜感
此時物變悠然遐想通偶來被簪組自覺如池籠少年

才藻新金鼎世業崇鳳文已彪炳瓊樹何青葱聯鑣長
安道接武承明宮君登玉墀上我侍彤庭中疲病多內
愧切磋常見同起予覽新詩逸韻凌秋空相愛每不足
因茲寓深衷

酬靈徹上人以詩代書見寄

時在薦福寺坐夏

蓮花出水地無塵中有南宗了義人已取貝多翻半字
還將陽燄論三身碧雲飛處詩偏麗白月圓時信本真
更喜開緘銷熱惱西方社裏舊相親

酬蔡十二博士見寄四韻

蕪城十年別蓬轉居不定終歲白屋貧獨誦清酒聖風

塵韋帶滅霜雪松心勁何以浣相思啟元能盡性君著周易

啟元十卷

戲和三韻

墨翟突不黔范丹甑生塵君今復勞歌鶴髮吹濕薪前

詔許真秩何如巾軟輪君貞元十一年以隱君拜命詔書令州府給傳乘詣闕到日

授正官

李十韶州寄途中絕句使者取報修書之際口

號酬贈

詔下忽臨山水郡不妨從事恣攀登莫言向北千行雁

別有圖南六月鵬

崔四郎協律以詩見寄兼惠蜀琴因以州

崔四郎協律以詩見寄兼惠蜀琴因以酬贈

臨風結煩想客至傳好音白雲緘郢曲朱絃巨蜀琴冷
冷響幽韻款款寄遐心晚歲何以報與君期斷金

酬馮絳州早秋絳臺感懷見寄

良牧閑無事層臺思渺然六條榮印綬三晉辯山川洗
嬾謳謠合開襟眺聽偏秋光連大鹵霽景下新田葉落
徑庭樹人歸曲沃烟武符頒美化元字訪疑年經術推
多識卿曹亦累遷齋祠常竝冕官品每差肩按部青絲
騎裁詩白露天知音愧相訪商洛正閑眠

酬趙尙書杏園花下醉後見寄

時爲太常卿

春光深處曲江西八座風流信馬蹄鶴髮杏花相映好
羨君終日醉如泥

酬趙尙書城南看花日晚先歸見寄

杜城韋曲遍尋春處處繁花滿目新日暮歸鞍不相待
與君同是醉鄉人

權載之文集卷第三

唐權德輿字載之

雜詩

伏蒙十六叔寄示喜慶感懷三十韻因獻之

受氏自有殷樹功緬前秦圭田接土宇侯籍相紛綸二十

代祖前秦僕射安邱敬公事具十六國春秋及晉書八

代祖周宜昌公七代祖隋鄜城公六代祖皇朝封平涼

公皆以勲庸道義集天爵菁華極人文握蘭中臺並折

而受爵土也

桂東堂春五代伯祖屯田郎中府君叔祖水部員外郎

府君曾祖叔梓州府君長安府君同祖德蹈前哲家風

以進士居甲科載在登科記之內也

播清芬王父右羽林錄事府君與席文公建侯友善又

與蘇司業源明包著作融為文章之友唱酬往

復各有文集 先公秉明義大節逢艱屯獨立挺忠孝至誠感

神人命書備追錫跡遠道不伸小生諒無似積慶遭昌
辰九年西掖忝五轉南宮頻司理因曠職曲臺仍禮神
愧非夔龍姿忽佐堯舜君內惟負且乘徒以弱似仁豈
足議大政所憂玷葵倫叔父貞素履含章窮典墳百氏
若珠貫九流皆輦分黃鍾蘊聲調白玉那緇磷清論坐
虛室長譎宜幅巾開關接仁祠支策無俗賓種杏當暑
熟烹茶含露新井徑交碧蘚軒窻棲白雲飛沉禽魚樂
芬馥蘭桂薰經術宏義訓息男茂嘉聞筮仕就色養宴
居忘食貧四方有翹車上國有蒲輪行當反招隱豈得

常退身秦吳路杳杳朔海望沄沄侍坐馳夢寐結懷積
昏昕發函捧新詩慈誨情殷勤省躬日三復拜首書諸
紳

酬李二十二兄主簿馬跡山見寄

並序

族內兄暢純靜而深直方而文與予同寓居丹陽丹陽
郭北四十里所有馬跡山山有奇峯怪石且多昔賢真
仙之所游踐方外士殷渙然通易經老嚴之旨居於山
下從舅原均探異好古亦往來棲息其間貞元元年兄
以典校秘書調補江陵松滋主簿以地遠不就職予以
環衛冗秩罷漕輓從事且久家居食貧里巷相接其明

年兄命駕遊此山予以疾故不克偕往旣而猥辱鍾陵檄召兄自山中以詩一首見貽理精詞達清滌心府三復其文如至山下終篇則戲以出處之跡見誚故予復之於此章仍加六十字以就全數

杳杳塵外想悠悠區中緣如何戰未勝曾是教所牽遠郊有靈峯夙昔栖真仙鸞聲去已久馬跡空依然丹岸轉初旭碧落凝秋煙松風共蕭颯蘿月想嬋娟內兄韞遐心嘉遯性所便不能棲枳棘且復探雲泉中有冥寂人閑讀逍遙篇聯袂共支策掘衣嘗絕編徐行石上苔靜韻風中絃烟霞濕儒服日月生寥天新詩來起予瓊

璨六義全能盡含寫意轉令山水鮮若聞笙鶴聲宛在
耳目前登攀阻心賞愁疾空懷賢出處豈異途心冥卽
真筌暫從西府檄終卧東菑田不嫌予步蹇但恐君行
邈如能固曠懷谷口期窮年

酬陸四十楚源春夜宿虎邱山對月寄梁四敬
之兼見貽之作

東風變蘅薄時景日妍和更想千峯夜浩然幽意多蕙
香襲閑趾松露泣喬柯潭影漾霞月石床封薜蘿夫君
卅歲時已負青冥姿龍虎一門盛淵雲四海推駸駸步
驟曩婉婉翥長離元圃盡瓊樹家林輕桂枝聲榮徒外

獎恬淡方自適逸氣凌顥清仁祠訪金碧芊眠瑤草秀
斷續雲竇滴芳訊發幽緘新詩比良覲故人石渠署美
價滿中朝落落杉松直芬芬蘭杜飄雄詞鼓溟海曠度
豁烟霄營道幸同術論心皆後凋循環伐木詠緬邈招
隱情慙茲擁腫才愛彼潺湲清拘牽尚多故夢想何由
并終結方外期不待華髮生

酬穆七侍郎早登使院西樓感懷

耿耿宵欲半振衣庭戶前浩歌撫長劔臨風泛清絃晴
霜灑寒蕪微月露碧鮮杉梧韻幽籟河漢明秋天良夜
雖可翫沉憂逾浩然樓中遲啟明林際揮宿烟晨風響

鍾鼓曙色分山川滔滔大江駛杲杲朝日懸因窮西南
永得見天地全動植相糺紛車徒競喧闐鱸鮓躍洪流
麴麴倚荒阡噫噫白雲鴈嘒嘒清露蟬一氣鼓萬殊晦
明相推遷羲和無停鞅不得常少年當令志氣神及此
鬢髮元豈唯十六族今古稱其賢夫君才氣雄振藻何
翩翩詩輕沈隱侯賦擬王仲宣小鳥搶榆枋大鵬激三
千與君期晚歲方結林棲緣

奉和李大夫題鄭評事江樓

達士無外累隱机依南郭茅棟上江開布帆當砌落支
頤散華髮欹枕曝靈藥入鳥不亂行觀魚還自樂何時

金馬詔早歲建安作往事盡筌蹄虛懷寄杯杓邦君駐
千騎清論時間酌憑檻出煙埃振衣向寥廓心源齊彼
是人境勝巖壑何必栖冥冥然後避矰繳

春遊茅山酬杜評事見寄

喜得賞心處春山豈計程連溪芳草合半嶺白雲晴絕
澗漱冰碧仙壇挹顥清懷君在人境不共此時情

和韓侍御白髮

白髮今朝見虛齋曉鏡清乍分霜簡色微映鐵冠生幕
下多能事周行挹令名流年未可歎正遇泰階平

和邵端公醉後寄于諫議之作

莫羨簷前柳春風獨早歸陽和次第發桃李更芳菲

和李大夫西山祈雨因感張曲江故事十韻

亞相冠貂蟬分憂統十聯火星當永日雲漢倬炎天齋
禱期靈貺精誠契昔賢中宵出騶馭清旭旅牲牲觸石
看初起隨車應物先雷音生絕巘雨足晦平阡蕭灑四
溟合空濛萬頃連歌謠誼澤國稼穡遍原田故事三台
盛新文六義全作霖應自此天下待豐年

同陸太祝鴻漸崔法曹載華見蕭侍御留後說
得衛撫州報推事使張侍御却迴前刺史戴
員外無事喜而有作三首

專城書素至留臺忽報張綱攬轡迴共看昨日蠅飛處
併是今朝鵲喜來

鶴髮州民擁使車人人自說受恩初如今天下無冤氣
乞爲邦君雪謗書

衆人哺啜喜君醒渭水由來不雜涇遮莫雪霜撩亂下
松枝竹葉自青青

荅韋秀才寄一首

中峯雲暗雨霏霏水漲花塘未得歸心憶瓊枝望不見
幾迴虛濕薜蘿衣

戶部王曹長楊考功崔刑部二院長並同鍾陵

使府之舊因以寄贈又陪郎署喜甚常寮因

書所懷且敘所知

一作前好

忽驚西江侶共作南宮郎宿昔芝蘭室今茲鴛鷺行子
猷美風味左戶推公器含毫白雪飛出匣青萍利子雲
嘗燕居作賦似相如閑成考課奏別貢賢良書子玉諒
貞實持刑慎丹筆秋天鴻鵠姿晚歲松筠質伊予誠薄
才何幸復趨陪偶來塵右掖空此憶中臺時節東流駛
悲歡追往事待月登庾樓排雲上蕭寺盍簪蓮府讌落
帽龍沙醉極浦送風帆靈山眺烟翠解頤通善謔喻指
窮精義搦管或飛章分曹時案吏雨散與蓬飄秦吳兩

寂寥方期全臃腫豈望躡扶搖夜直分三署晨趨共九
霄外廷時接武廣陌更連鑣北極星辰拱南薰氣序調
欣隨衆君子並立聖明朝

貢院對雪以絕句代八行奉寄崔閣老

寓宿春闈歲欲除嚴風密雪絕雙魚思君獨步西垣裏
日日含香草詔書

初移月夜中書宿直因呈楊閣老

欹枕直廬暇風蟬迎早秋沉沉玉堂夕皎皎金波流對
掌喜新命分曹諧舊遊相思翫華彩因感庾公樓

唐開州文編遠寄新賦累惠良藥咏嘆仰

佩不覺斐然走筆代書聊申還荅

風雨竦庭柯端憂坐空堂多病時節換所思道里長故人朱兩轡出自尙書郎下車今幾時理行遠芬芳瓊瑤覽良訊芣苢滿素囊結根在貴州蠲疾傳古方探擷當五月慇懃逾八行深情婉如此善祝何可忘復有金玉音煥如龍鳳章一聞靈洞說若覩羣仙翔三清飛慶霄百汰成雄鉉體物信無對洒心願相將昔年同旅食終日窺文房春風眺蕪城秋水渡柳楊君爲太史氏弱質羈楚鄉今來忝司諫千騎遙相望歸雲夕鱗鱗圓魄夜蒼蒼遠思結鈴閣何人交羽觴行見徵潁川無爲薄淮

陽政成看再入列侍爐烟傍

待漏假寐夢歸江東舊居

一下有因寄惠閣黎茅處士時德與秉政

未果會也

十年江浦卧郊園閑夜分明結夢魂舍下烟蘿通古寺

湖中雲雨到前軒南宗長老知心法東郭先生識化源

覺後忽聞清漏曉又隨簪佩入君門

祇命赴京途次淮口因書所懷

弱植素寡偶趨時非所任感恩再登龍求友皆斷金彪

炳覩奇采淒鏘聞雅音適欣佳期接遽歎離思侵靡靡

遵遠道忡忡勞寸心難成獨酌謠空奏伐木吟次寥清

冬時蕭索白晝陰交秋涼如帶念分正今日因風賦詩寄

冬時蕭索白晝陰交歡諒如昨滯念紛在今因風試矯
翼倦飛會歸林向晚清淮駛迴首楚雲深

省中春晚忽憶江南舊居戲書所懷因寄兩浙

親故雜言

前年冠獬豸戎府隨賓介去年簪進賢贊導法宮前今
茲戴武弁謬列金門彥問我何所能頭冠忽三變野性
慣疎閑晨趨興暮還花時限清禁霽後愛南山晚景支
頤對樽酒舊遊憶在江湖久庾樓柳寺共開襟楓岸烟
塘幾攜手結廬嘗占練湖春猶寄藜床與幅巾疲羸只
欲思三徑鷺直那堪備七人更想東南多竹箭元圃琅

玕共菘菹裁書且附雙鯉魚偏恨相思未相見

寄李衡州

時所居卽衡州宅

片石叢花畫不如
庇身三逕豈吾廬
主人千騎東方遠
唯望衡陽鴈足書

寄臨海郡崔穉璋

美酒步兵厨古人嘗宦遊
赤城臨海嶠君子今督郵
吏隱豐暇日琴壺共冥搜
新詩寒玉韻曠思孤雲秋
志士誠勇退鄙夫自包羞
終當就知己莫戀潺湲流

李韶州著書常論釋氏之理貴州有能公遺跡

詩以問之

常日區中暇時聞象外言曹溪有宗旨一爲勘心源

馬上贈虛公

馬足旱塵深影纓又滿襟吾師有甘露爲洗此時心

郴州換印緘遣之際率成三韻因寄李二兄員

外使君

緘題桂陽印持寄朗陵兄刺舉官猶屈風謠政已成行
看換龜紐奏最謁承明

早發杭州泛富春江寄陸三十一公佐

候曉起徒馭春江多好風白波連青雲蕩漾晨光中四
望浩無際沉憂將此同未離奔走途但恐成悲翁俯見

觸餌鱗仰目凌霄鴻纓塵日已厚心累何時空區區此
人世所向皆樊籠唯應杯中物醒醉爲窮通故人元圃
姿瓊樹紛青葱終當此山去共結蘭桂藂

寄侍御從舅

初免職歸山東一作侍御從
舅初免職歸東山寄以詩

靡靡南軒蕙迎風轉芳滋落落幽澗松百尺無附枝世
物自多故達人心不羈偶陳幕中畫永負林間期感恩
從慰薦循性難繫維野鶴無俗質孤雲多異姿清冷松
露泣照灼巖花遲終當稅塵駕來就東山嬉

湖上晚眺呈惠上人

湖上煙景好鳥飛雲自還幸因居止近日覺性情閑獨

酌乍臨水清機常見山此時何所憶淨侶話元關

新秋月夜寄故人

客心宜靜夜月色澹新秋影落三湘水詩傳八詠樓何窮對酒望幾處捲簾愁若問相思意隨君萬里遊

白揚子歸丹陽初遂閑居聊呈惠公

移疾喜無事卷簾松竹寒稍知名是累日與靜相歡蹇淺逢機少迂疎應物難只思閑夜月共向沃州看

月夜過靈徹上人房因贈

此身會逐白雲去未洗塵纓還自傷今夜幸逢清淨境

滿庭秋月對支郎

戲贈張鍊師

月帔飄飄摘杏花相邀洞口勸流霞
半酣乍奏雲和曲疑是龜山阿母家

戲贈天竺靈隱二寺寺主

石路泉流兩寺分尋常鍾磬隔山聞
山僧半在中峯住共占青巒與白雲

贈廣通上人

身隨猿鳥在深山早有詩名到世間
客至上方留盥漱龍泓洞水晝潺潺

贈老將

白草黃雲塞上秋曾遊滌濟出午川鹿盧

白草黃雲塞上秋
曾隨驃騎出并州
轆轤劔折虬鬚白
轉戰功多獨不侯

戲贈表兄崔秀才

何事年年戀隱淪
成名須遣及青春
明時早獻甘泉去
若待公車却悞人

醉後戲贈蘇九脩

蘇常好讀元魯山文比或勸入關者故戲及之

白首書窻成鉅儒
不知簪組遍屠沽
勸君莫問長安路
且讀魯山于蒔于

于蒔于德秀所爲歌也

館

且蕭魯山千嶽千相為題

日首善窈窕金不映碧盈數智故博昏莫問身安滋

細對題韻藉大如起博人關香效題如之

古詩公軍駐野人

所事半半感朝命如合應數又青春即和早燭甘泉去

題韻交化本到世間容上方留留

輝煌交斷不到

權載之文集卷第三

權載之文集卷第四

唐權德輿字載之

詩

奉送韋起居老舅百日假滿歸嵩陽舊居

威鳳翔紫氛孤雲出寥天奇采與幽姿縹緲皆自然嘗
聞陶唐氏亦有巢由全以茲聳風俗豈必効羈牽大君
遂羣方左史蹈前賢振衣去朝市賜告歸林泉滑和固
難久循性得所便有名皆畏途無事乃真筌舊壑窮杳
窅新潭漾淪漣崑花落又開山月缺復圓輕策逗蘿逕
幅巾凌翠烟機閑魚鳥狎體和芝朮鮮四皓本避難二

疎猶待年况今寰海清復此鬢髮元顧慙纓上塵未絕
區中緣齊竿終自退心寄嵩峯巔

奉送孔十兄賓客承恩致政歸東都舊居

達人曠迹通出處每憶安居舊山去乞身已見抗疏頻
優禮新聞詔書許家法遙傳闕里訓心源早逐嵩邱侶
南史編年著盛名東朝侍講常虛佇角巾華髮忽自遂
命服金龜君更與白雲出岫暫逶迤鴻鵠入冥無處所
歸路依依童稚樂都門藹藹壺觴舉能將此道助皇風
自可殊途並伊呂

送密秀才吏部駁放後歸蜀應崔大理序

蜀國本多士雄文似相如之子西南秀名在賢能書薄
祿且未及故山念歸歟迢迢三千里返駕一羸車玉壘
長路盡錦江春物餘此行無愠色知爾戀林廬

送袁中丞持節冊南詔五韻

淨字

西南使星去遠徹通朝聘烟雨夔道深麾幢漢儀盛途
輕五尺嶮水愛雙流淨上國洽恩波外臣遵禮命離堂
駐騶馭且盡罇中聖

人日送房二十六侍御歸越

驛騎歸時驄馬蹄蓮花府暎若耶溪帝城人日風光早
不惜離堂醉似泥

送張閣老中丞持節冊弔迴鶻

旌旆翩翩擁漢官
君行常得遠人歡
分職南臺知禮重
輟書東觀見才難
金章玉節鳴騶遠
白草黃雲出塞寒
欲散別愁唯有醉
暫煩賓從駐征鞍

送二十叔赴任餘杭尉

琴字

拜首直城陰
樽開意不任
梅仙歸劇縣
阮巷奏離琴
春草吳門綠
秋濤浙水深
十年曾旅寓
應愜宦遊心

奉送十四叔赴任渝州錄事絕句

中字

隨牒忽離南北巷
解巾都吏有清風
巴城鑱印六聯靜
盡日閑譚廨署中

送韋十二丈赴襄城令三韻

柳字

留連出關騎斟酌臨歧酒舊業傳一經新官栽五柳去
去望行塵青門重迴首

送薛十九丈授將作主簿分司東都賦得春草

芊芊遠郊外杳杳春崑曲愁處映微波望中連淨綠日
暮藉離樽折芳心斷續

送正字十九兄歸江東醉後絕句

命駕相思不爲名春風歸騎出關程離堂莫起臨歧歎
文舉終當薦禰衡

送張詹事致政歸嵩山舊隱

青字

解龜辭漢庭却憶少微星直指常持憲平反更恤刑閑
思紫芝侶歸卧白雲扃明詔憂筋力安車適性靈羣公
來藹藹獨鶴去冥冥想到揮金處嵩吟枕上青

送許著作分司東都

月旦繼平輿風流仕石渠分曹向瀍洛守職在圖書棗
萼榮相映瓊枝色不如賓朋爭漉酒徒御待巾車異日
始離抱維思烹鯉魚

送少清赴潤州叅軍因思練湖舊居

得潮字

二紀樂簞瓢烟霞暮與朝因君宦遊去記得春江潮遠
別更搔首初官方折腰青門望離袂魂爲阿連銷

送濬上人歸揚州禪智寺

蠹露宗通法已傳
麻衣筇杖去悠然
揚州後學應相待
遙想幡花古寺前

戲歲送李十兄赴黔中酒後絕句

一罇歲酒且留歡
三峽黔江去路難
志士感恩無遠近
異時應戴惠文冠

送張僕射朝見畢歸鎮

青光照目青門曙
玉勒琚戈擁騶馭
東方連帥南陽公
文武吉甫如古風
獨奉新恩來謁帝
感深更見歌詩麗
共看三接欲爲霖
却念百城同望歲
雙旌去去戀儲胥

歸路鶯花伴隼旗今日漢庭求上畧留侯自有一編書
送韋行軍員外赴河陽

五年武弁侍明光輟佐中權拜外郎紀事還同楚倚相
傳經遠自漢扶陽離堂處處羅簪組東望河橋壯鼙鼓
三城曉角啟軒門一縣繁花照蓮府上畧儒風並者稀
翩翩騶騎有光輝只今右職多虛位應待他時仗節歸

送韋中丞奉使新羅

往字

淳化洽聲明殊方均惠養計書重譯至錫命雙旌往星
辭北極遠水泛東溟廣斗柄辯宵程天琛宜晝賞孤光
洲島迥淨綠烟霞敞展禮盛賓徒交歡覲君長經途勞

視聽愴別縈夢想延頸旬歲期新恩在歸鞅

送從翁赴任長子縣令

家風本鉅儒吏職化雙鳧啟事才方愜臨人政自殊地
雄韓上黨秩比魯中都拜首春郊夕離盃莫向隅

送從弟廣東歸絕句

夏雲如火鑠晨輝欵段羸車整素衣知爾業成還出谷
今朝莫愴斷行飛

送王練師赴王屋洞

稔歲在芝田歸程入洞天白雲辭上國青鳥會羣仙自
以棊銷日寧資藥駐年相看話離別風馭忽泠然

送薛溫州驚字

昨日饋連營今來刺列城方期建禮直忽訪永嘉程郡
內裁詩暇樓中遲客情憑君減千騎莫遣海鷗驚

送黔中裴中丞閣老赴任迴字

五諫留中禁雙旌輟上才內臣持鳳詔天廡錫龍媒宴
語睽蘭室輝榮亞柏臺懷黃宜命服舉白歎離杯景霽
山川迴風清霧露開辰溪分浩淼熨道接縈迴勝理環
中得殊琛徼外來行看旬歲詔傳慶在公台

送崔諭德致政東歸

天子坐法官詔書下江東懿此嘉遯士蒲車起邱中褐

衣入承明朴畧多古風直道侍太子昌言沃宸聰崑居
四十年心與鷗鳥同一朝受恩澤自說如池籠乞骸歸
故山累疏明深衷大君不奪志命錫忽以崇旭旦出國
門輕裝若秋蓬家依白雲嶠手植丹桂藜竹齋引寒泉
霞月相玲瓏曠然解赤紱去逐冥冥鴻

送三十叔赴任晉陵

心字德輿舊居在
丹陽去晉陵百里

春雲結暮陰侍坐捧離襟黃綬輕裝去青門芳草深十
年塵右職三逕寄遐心便道停橈處應過舊竹林

送安南裴都護

忽佩交州印初辭列宿文莫言方任遠且貴主憂分迥

轉朱鳶路連飛翠羽羣
戈舡航漲海旌旆卷炎雲
絕徼褰帷識名香夾轂焚懷
俵通北戶長養洽南薰
暫歎同心阻行看異績聞
歸時無所欲惹苴或煩君

送別阮汎

念爾強學殖州貫早從師
溫溫稟義方慥慥習書詩
計偕來上國宴喜方怡怡
經術旣脩明藝文亦歲蕤
伊子諒無取瑣質荷鴻慈
偶來貳儀曹量力何可支
廢業固相受避嫌誠自私
徇吾刺促心踈爾康莊姿
古人貴直道內訟乖坦夷
用茲處大官無乃玷清時
羸車出門去悵望交涕洟
琢磨貴分陰歲月若飈馳
千里起足下豐

年繫鎡錡苟令志氣堅佇見纓珮隨斑斕五綵服前路
春物熙舊遊憶江南環堵留蓬茨湖水白於練尊羹細
若絲別來十三年夢寐時見之寵榮忽踰量荏苒不自
知晨興愧華簪止足爲靈龜遐路各自愛大來行可期
青冥在目前努力調羽儀

送工部張曹長大夫奉使西蕃

殊隣覆露同奉使小司空西候車徒出南臺節印雄弔
祠將渥命導驛暢皇風故地山河在新恩玉帛通塞雲
凝廢壘關月照驚蓬青史書歸日翻輕五利功

九華觀宴餞崔十七叔判官赴義武幕兼呈書

記蕭校書

炎光三伏晝洞府宜幽步宿雨潤芝田鮮風搖桂樹陰
陰臺殿敞靡靡軒車駐晚酌臨水情晨裝出關路偏榮
本郡辟倍感元臣遇記室有門人因君達書素

送文暢上人東遊

桑門許辯才外學接宗雷護法麻衣淨翻經貝葉開宗
通知不染妄想自堪哀載結西方社師遊早晚迴

送靈武范司空

上畧在安邊吳鈞結束鮮三公臨右地七萃擁中堅舊
壘銷烽火新營辯井泉伐謀師以律賈勇士爭先塞迴

晴看月沙平遠際天策勲知屈指應在盛秋前

送商州杜中丞赴在

安康地里接商於帝命專城總賦輿夕拜忽辭青瑣闥
晨裝獨捧紫泥書深山古驛分騶騎芳草閑雲逐隼旗
綺皓清風千古在因君一爲謝巖居

送殷卿罷舉歸淮南舊居

計偕十上竟無成忽憶崑居便獨行志業嘗探絕編義
風塵虛作弃繻生歲儲應歎山田薄里社時逢野醞清
惆悵中年羣從少相看欲別倍關情

權載之文集卷第四

華化圖書館

Wahua Library

權載之文集卷第五

唐權德輿字載之

雜詩

送杜尹赴東都

商於留異績河洛賀新遷朝選吳公守時推杜尹賢如
綸披鳳詔出匣淬龍泉風雨交中土簪裾敞別筵清明
人比玉照灼府如蓮佇報司州政徵黃似潁川

送孔江州

一作送九江

九派尋陽郡分明似畫圖秋光連瀑布晴翠辯香鑪才
子厭蘭省邦君榮竹符江城多暇日能寄八行無

送渾鄧州

年少守南陽新恩印綬光輕軒出繞雷利刃發干將風
勁初下葉雲寒方護霜想君行縣處露冕菊潭香

埽橋達奚四于十九陳大三侍御夜宴教各賦

二韻

滿樹鐵冠瓊樹枝樽前燭下心相知明朝又與白雲遠
自古河梁多別離

酬別蔡十二見贈

伊人茂天爵恬澹卧郊園傲世方隱几說經久顓門浩
歌曳柴車詎羨丹轂尊嚴霜被鶉衣不知狐白溫游心

義文際愛我相討論潢汙忽朝宗傳騎令載奔崢嶸歲
陰晚愀愴離念繁別館絲桐清寒郊煙雨昏中飲見逸
氣縱談窮化元佇見公車起聖代待乞言

揚州與丁山人別

將軍易道令威仙華髮清談得此賢惆悵今朝廣陵別
遼東後會復何年

送台州崔錄事

不嫌臨海遠微祿代躬耕古郡紀綱職扁舟山水程詩
因琪樹麗心與瀑泉清盛府知音在何時薦政成

送信安劉少府

自常州叅
運選授

相看結離念盡此林中淥夷代輕遠遊上才隨薄祿叅
卿帶孫楚隱市同梅福吏散時泛絃賓來閑覆局襟情
無俗慮談笑成逸躅此路足灘聲羨君多水宿

送李城門罷官歸嵩陽

城門院在
遺補院東

與君相識處吏隱在牆東啟閉千門靜逢迎兩掖通罷
官多暇日肄業有儒風歸去塵寰外春山蘭桂叢

送上虞丞

越郡佳山水菁江接上虞計程航一葦試吏佐雙鳧雲
壑窺仙籍風謠驗地圖因尋黃絹字爲我弔曹盱

送盧評事婺州省覲

知向東陽去晨裝見綵衣客愁青眼別家喜玉人歸漢
漠水烟晚蕭蕭楓葉飛雙溪泊舡處候吏拜胡威

送崔端公

已見風姿美仍聞藝業勤清秋上國路白晳少年人帶
月輕帆疾迎霜綵服新過庭若有問一爲說漳濱

送張周二秀才謁宣州薛侍郎

儒衣兩少年春掉穀溪舡湖月供詩興風嵐費酒錢上
帆涵極浦欹枕傲晴天不用愁羈旅宣城太守賢

送張將軍歸東都舊業

功名不復求舊業向東周白草辭邊騎青門別故侯摧

木車之文集 卷五 三
殘寶劍折羸病綠珠愁日暮寒風起猶疑大漠秋

送句容玉少府簿領赴上都

上國路絲絲行人候曉天離亭綠綺奏鄉樹白雲連江
露濕征袂山鷺宜泊舡春風若爲別相顧起樽前

送從弟謁員外叔父迴歸義興

異鄉兄弟少見爾自依然來酌林中酒去耕湖上田何
朝逢暑雨幾夜泊漁煙餘力當勤學成名貴少年

送梁道士謁壽州崔大夫

年少一仙官清羸駕綵鸞洞宮雲渺渺花路水漫漫歲
計芝田熟晨裝月帔寒遙知小山桂五馬待邀歡

送鄭秀才貢舉

西笑意如何知隨貢舉科吟詩向月露驅馬出烟蘿晚
色平蕪遠秋聲候鴈多自怜歸未得相送一勞歌

送謝孝廉移家越州

家承晉太傅身慕魯諸生又見一帆去共愁千里程沙
平古樹迴潮滿曉江晴從此幽深去無妨隱姓名

送韓孝廉侍從赴舉

貢士去翩翩如君最少年綵衣行不廢儒服代相傳曉
月經淮路繁陰過楚天清談遇知己應訪孝廉舡

送陸拾遺祇召赴行在

鵷鷺承新命翻飛入漢庭歌詩能合雅獻納每論經月
曉蜀江迴猿啼楚樹青幸因焚草暇書札訪沉冥

送暎師歸本寺

還歸柳寺去遠遠出人羣苔甃桐華落山窓桂樹薰引
泉通絕澗放鶴入孤雲幸許宗雷到清談不易聞

送宇文少府赴官

送君當歲暮斟酒破離顏車騎擁寒水雪雲凝遠山且
安黃綬屈莫羨白鷗閑從此圖南路青雲步武間

送岳州溫錄事赴任

解巾州主簿捧檄不辭遙獨鶴九霄翼寒松百尺條晨

裝沾雨雪旅宿候風潮爲政閑無事清談肅郡僚

送山人歸舊隱

工爲楚辭賦更著魯衣冠歲儉山田薄秋深晨服寒代人榮鷺領志士戀漁竿會被公車薦知君久晦難

惠上人房宴別

方袍相引到龍華支策開襟路不賒法味已同香積會禮容疑在少施家逸民羽客期皆至疎竹青苔景半斜究竟相依何處好匡山古社足烟霞

送裴秀才貢舉

儒衣風自清去抵漢公卿賓貢年猶少篇章藝已成臨

流惜暮景話別起鄉情離酌不辭醉西江春草生

送袁太祝衢婺巡覆

同用山字

校緡稅畝不妨閑清興自隨魚鳥閒知君此去足佳句
路出桐溪千萬山

送湖南李侍御赴本使賦採菱亭詩

舊俗採菱處津亭風景和沅江收暮藹楚女發清歌曲
岸縈細葉荒堦上白波蘭橈向蓮府一爲枉帆過

送穆侍御東都

知君儒服貴綵繡兩相輝婉婉成名後翩翩擁傳歸江
深烟嶼沒山暗雨雲飛共待酬恩罷相將去息機

送崔端公赴度支江陵院三韻 照字

津亭風雪霽，斗酒留征棹。
星傳指湘江，瑤琴多楚調。
偏愁欲別處，黯黯頽陽照。

送陸太祝赴湖南幕同用送字 三韻

不憚征路遙，定緣賓禮重。
新知折柳贈，舊侶乘籃送。
此去嘉句多，楓江接雲夢。

送李處士歸弋陽山居 限姓名
中用韻

暫來城市意何如，却憶葛陽溪上居。
不憚薄田輸井稅，自將嘉句著州閭。
波翻極浦檣竿出，霜落秋郊樹影疎。
想到家山無俗侶，逢迎只是坐籃輿。

送清波上人謁信州陸員外

暫辭長老去隨緣
候曉輕裝寄客舡
佳句已齊康寶月
清談遠指謝臨川
灘經水瀨逢新雪
路過漁潭宿暝煙
暇日若隨千騎出
南巖只在郡樓前

送別同用濶字

三韻

耿耿離念繁蕭蕭
涼葉脫緇塵素衣
敝風露秋江濶想
得讀書窓巖花對
巾褐

送人使之江陵

賞字

嘉招不辭遠捧檄
利攸往行役念前
程譙游睽舊賞征
軺星乍動江信潮
應上煙水飛一帆
霜風搖五兩紛紛

別袂舉切切離鴻響後會杳何時悠然勞夢想

餘干贈別張二十二侍御

蕪城陌上春風別千越亭邊歲暮逢驅車又愴南北路
返照寒江千萬峯

雜言賦得風送崔秀才歸白田限三五六七言

暄字

響深澗思啼猿聞入蘋洲暖輕隨柳陌暄澹蕩乍飄雲
影芳菲遍發花源寂寞春江別君處和煙帶雨送征軒
雜言同用離騷體送張評事襄陽覲省

黯離堂今日晚儼壺觴以送遠遠水霽兮微明杜蘅秀

兮白芷生波沄沄兮烟冪冪凝暮色於空碧紛離念兮
隨君沂九江兮經七澤君之去兮不可留五采裳兮木
蘭舟

嶺上逢久別者又別

十年曾一別征路此相逢馬首向何處夕陽千萬峯

贈別表兄韋卿

新讀兵書事護羌腰間寶劍映金章少年百戰應輕別
莫笑儒生淚數行

古離別

人生天地間譬若六轡馳天壽既常數奈何生別離跡

當中人域正性日已衰是非千萬境杳靄情塵滋出門
事何常暫別亦難期冉冉歎流景悠悠限山陂盡此一
夕歡華樽會前墀鷄鳴東方曙夙駕臨通達欲出強移
步欲留難致辭兩情不得已念此留何爲天明去已遠
寂默居人歸入門復上堂怳怳生驚疑經履同遊處猶
言常相隨覽物或臨鏡翻怪來何遲乃知前日歡本爲
今日悲翻思別後心寧及未見時則知交疎分久久翻
易持報君未別後別後當自知

權載之文集卷第五

化園書館

carhua library

開化圖書館

kaikua library

開化圖書館

Kaichua library




開化圖書館

Kaishwa Library

開化圖書館

Kaishwa library




權載之文集

一

開化圖書館
Kankwa library

開化圖書

Kathwa Library



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color